


Lord Cobashi, otro personahe legendario a bay laga nos pa Juby Naar



Hopi a tende su number y no a conoce personalmente. Hopi nunca a scuche canta pero sa di su carera musical como "calypsonian". Charles Groeneveld, cu hopi na Aruba a conoce como douanero popular pa decenas di aña te cu el a baha como pension.

Charles Groeneveld cu tabata mas conoci den comunidad como "Lord Cobashi", cantante di calypso cu a logra su number y imagen "riba su mes" y a mantene e imagen, number y popularidad aki for di tempo cu el a dicidi di bira cantante y subi escenarionan.

El a subi escenarionan na Aruba, y rond di Antillas, canta na television na Aruba y Corsow y cu bandanan grandi cu a compaña musicalmente.

Charles tabata amante

ferviente di calypso for di su periodo di teenager cu 17 aña di edad, pero tabata na 1955 el a bira e cantante cu el a desea, despues di a mira show di "Cobra Man" na Aruba.

"Cobra Man" homber elastico cu por a lora su curpa den tur forma, pero cu tabata tin como parti di su show tambe canto di calypso.

Tempo cu mi a conversa cu Lord Cobashi riba e tempo ey, e no a corda si tabata na 1954 of 1955 Cobra Man a bin Aruba, pero a mantene di e show den Principal Theatre, e carchi di entrada riba cual el a anota 1954 of 1955. Mi a bise cu tabata 1955 pasobra despues di e presentacion di "Cobra Man" mi ta corda mi a bay hospital (di Lago) pa algun dia di tratamiento y tur cos di conversacion tabata "Cobra Man" cu mi a mira den Lago Heights Club net prome cu esey y di contrabando.. Algun di nos a sconde bao di escenario cu dilanti dos porta. Ora a paga luz nos a sali una asiento manera "santo" cu no a comete pica.

"Cobra Man" tabata tin parti di su show como cantante di calypso bao di su propio number "Joseph Clemendore". E tabata bisti sombre halto y intercambia cu sombre estilo sincuria. Den un man e tabata tin su garoti (wandelstok) y na cada man handschoen blanco. E tabata balia tapdance ademas y imitando sonidonan di trein etc.

Esaki a contagia Charles cu a bisa cu e tambe por canta calypso asina y bira calypsonian.

Riba e fotonan por mira Lord Cobashi di bishita cerca

mi den oficina na DIARIO, ambe por mira e ticket di show di Cobra Man cu el a marca di porta 1954 of 1955. Por ripara e bistimento di Cobra Man, y su imitacion di Lord Cobashi. Tin foto mas elegante bisti di Lord Cobashi. saca pa su tata fotografo Nat d.f.m cu tabata fotografo y figura grandi na San Nicolas y Aruba cu su profesion y foto studio. E foto ey tabata e presentacion di e cantante pa tur show.

Lord Cobashi a nace y cuminsa canta calypso tur rond di San Nicolas den clubnan y shownan. Su popularidad a pone actua den Teatro Principal, Lago Heights, Club, Golf Club pa varios actividad grandi di Lago, den Lago Sport Park, den Marinierskazerne, den Wilhelmina Stadion pa reina Juliana, den Teatro Rialto na Playa y tabata masha popular. Lord Cobashi tabata compone su propio cancionnan y a presenta esaki pa president di Lago, Odus Mingus, tambe den presentacion special pa relacionista di Lago Bert Teagle y den Esso Club. E tabata un artista special di De Veer Chain Theatres pa shownan y actividadnan. Den Aruba Jrs. el a presenta cu Sonora del Caribe na varios ocasion y den kazerne di marinierman cu steelband como acompañamiento.

Tempo cu partido PPA a gana eleccion di 1954 y tambe na 1958, el a dicidi di saca un calypso riba esaki y tabata "PPA's Victory" cu el a graba na Radio Kelkboom na 1959.

Lord Cobashi a cuminsa haya contratonan na Corsow y na 1962 el a canta na Tele Curacao cu Conhunto San Jose tempo cu Clovis Bazar tabata cantante principal di San Jose..

For di e presentacion na Tele Curacao a drenta mas contrato pe na Corsow y riba e isla ey e hendenan tabata asina encanta cu su calypsonian, te cu el a compone y canta e prome calypso na Papiamento, "Dushi Corsow" cu ta graba.

Irak Illidge, Lord Boxoe, d.f.m. a canta e prome roadmarch na Papiamento durante concurso di calypso-roadmarch, "Basha awa bai".

Lord Cobashi a canta na Chobolobo, den stadion y club di Suffisant den teatronan grandi na Corsow

entre otro.

Un hende lo por bisa cu tur locual ta skirbi aki por ta poco exagera, pero mi ta ta kere cu esnan cu conoce Lord Cobashi, mester tira un bista den su albumnan y documentacionnan y ripara alavez cu copia di recibonan di shownan, tur ta warda cerca dje y varios di nan di De Veer Chain Theatres cu tabata tin e como artista special pa diferente actividad di show den e teatro.

E tin ademas copia di tur su recibonan di placa cu a ser paga na dje pa shownan na Corsow. E tin ademas su potretan, cartanan y contratonan di e shownan aki, warda.

Reconocimentonan e tin hopi, entre nan e Medaya di Plata di Honor di Orde van Oranje Nassau, reconocimiento di SAC, di Sr. Charles Brouns dfin, propietario di Charlie's Bar, cual reconocimiento tabata su nombramento como embahador di calypso na Aruba.

Na Radio Caruso Booy FM, e tabata tur diadomingo cu e programa "Critica Constructivo".

Charles Groeneveld, a wordo homenagea den Jubu Happening prome cu e actividad di carnaval riba e anochi prome cu Jouvett Morning a yega na su fin despues cu su dos iniciadoman Buchi Rasmijn y Juan Werleman a fayece. E ultimo presentacion publico activo den musica cu el ahaci tabata den "Homage to Sparrow" di JUBA

organization 3 aña pasa, caminda e tabata miembro di hurado pa escoge e cantante mas popular di anochi, ya cu no tabata tin premiacion específico estilo concurso.

Despues di esey debi na condicion di salud, el a tene su mes inactivo sinembargo por a mire na diferente actividad musical riba nos isla, cu of sin su T-Shirt special cu "Lord Cobashi" imprimi riba dje.

E cantante di calypso aki, bao di e number Lord Cobashi, a lanta den Village, cas V.N. 82, y a bay school na Dominicus College te cu 9e klas. E no a yega 10e klas pa motibo cu el a haya problema cu meneer di school y nan a kite di school.

El a sigui educa su mes y a ricibi su diploma di type na Don Bosco School, y a cuminsa skirbi tambe pa varios corant na Aruba, tambe pa DIARIO, y ultimo pa Extra di Corsow.

Cu 18 aña di edad, el a cuminsa traha como douanero na 1951 y a retira na 1982 despues di 31 aña y 7 luna, cu full pensioen, pa medio di e "oude regeling".

E oude Regeling tabata cu si bo tin 50 aña di edad cu 30 aña di servicio, bo por baha cu pensioen, focal el a haci. E number cu el a adopta como cantante di Calypso, Lord Cobashi, ta e number cu cual el a ser identifica cune te dia di su fayecimento.

Cu Charles Groeneveld, Lord Cobashi, soséga na paz, y deseó pa hopi forza ta bay na su sernan keri.

